



Blätzli-Dissi 1931

(1930: Donfilm-Glyggel)

Dur rumänisch-dytsches Jidele
Und Um-d'Kundschaft-Ummefidele
Git's en Illustrierti" Zytig:
„Basler“ haisst si — und isch nytig!
Bald mues au das Blatt verreggo;
Sy Redaggtor mues entdegge:
„Illustriert“ wird, gottsaidangg,
In Basel dur — dr Schnitzelbangg!

's jomeret mäng yfrig Beggli:
„Uus isch's mit de kurze Beggli!
Poiret, Du Bariserdubel —
Lägsch doch underem Galgehübel!“
Langi Regg sinn kuum z'bigrieasse:
Mängmol tuet's aim bees verdriesse,
Wenn me z'spot merggt, was und wo —
Byspils wys: Do X — do O!

Alten Indianerfirscht,
Haigsch Di an e Maitli pirscht
Im „Hotel Drei Keenig“ unde,
Doch haigsch kai Erberig gfundel!
Alti Rumbbelignochegstell
Hänn bi Dame halt kai Gfell!
Jung mues Ain sy, scheen und flyssig
Wie — dr Monsieur Ainedryssig!

Im Piccard sy Luftballen
Isch en Aeronaute-Hohn!
Dä soll doch dr Gervais miete
Und em d'Gondelen an Ranze niete!
Fliege kennt er denn zwor au nit
— Sooooo lycht wär die diggi Sau nit —
Doch dr Piccard kennt (in dumpfe
Stunde) Stunde näh im Sumpfel!

Nimmi rauche darfsch im Drämmli:
Fyni Näsli, zarti Lämmli
Hänn's verlangt, fast isch's zum Gryne —
Und . . . dr Gysi keit druff yne!
Käm jetz Damen oder Soggo:
Baslerbebbi, jetz blybsch hogge,
Bis men ygfiehr het, persé,
Aextra Partym-Stingg-Coupé!

Schmeggt dr Niderhuuser Gfohr?
Oder isch er in de Wäxeljohr?
Er wäxlet jedefalls sy Boschte,
Vor ass's em kennt sy Sässel kosechte!
Doch zer nojen Amtestaufi
Kunnt vom Rügen är in d'Traufi:
D'Luftmattgschicht lytt schwär im Mage
— Im Miescher ka me nyt meh sage!

Frauenot und Frauegligg —
Cyankali-Maisterstigg . . .
's git e Zuestand fast wie „Trance“
Fir die frommi „Renaissance“!
Die verhindereti Erotik
Macht die Birschli dobblet knotig!
Wird im Theater nohmol pfliffe —
Plyffliclub . . . denn kunnsch is gschliffe!

's Hirni vo dr Siehlebande
Isch dr Wieser gsi, verstande;
's Fidle (oh, exgysi) — 's „Pfännli“
Sinn die Arnold, Bodemännli . . .
Jetzt isch 's Hirni au verschwunde,
Zrugg blybt nur dä Dail zem pfunde!
Laferi galfere numme no —
Die derfen au zem Deifel goh!

Kemmet alli am Sunntig z'Oben no der Fasnacht
in Musigsaal zuem grosse Schlussobe vo de
Comité-Schnitzelbängg.